

MSM LAKSANA TANGGUNGJAWAB KORPORAT DI 10 BUAH SEKOLAH SEKITAR NEGERI PERLIS

KANGAR, JULAI 3, 2019 – MSM Malaysia Holdings Berhad (MSM), pengeluar gula bertapis terkemuka negara dan juga anak syarikat FGV Holdings Berhad (dahulu dikenali sebagai Felda Global Ventures Holdings Berhad), telah menyumbangkan sebanyak 10 buah mesin penyejuk air (*water cooler*) kepada 10 buah sekolah di sekitar negeri Perlis bersempena dengan Sambutan Hari Keputeraan Ke-76, Duli Yang Maha Mulia Tuanku Raja Perlis, Tuanku Syed Sirajuddin Ibni Al-Marhum Tuanku Syed Putra Jamalullail.

Sumbangan tersebut telah diberikan melalui peruntukan agihan zakat Kumpulan MSM melalui MSM Perlis Sdn Bhd. MSM Perlis adalah merupakan salah satu daripada tiga anak syarikat utama di bawah Kumpulan MSM. Pada tahun 2018, Kumpulan MSM telah membayar zakat perniagaan kepada Majlis Agama Islam Negeri Perlis (MAIPs) sebanyak RM500 ribu dari jumlah keseluruhan sebanyak RM1.5 juta zakat perniagaan yang ditunaikan.

“Tuntutan kemampunan sosial MSM adalah berteraskan amalan terbaik tanggungjawab korporat yang berpaksikan komitmen kami dalam usaha untuk membantu komuniti tempatan terutamanya di kawasan sekitar MSM beroperasi. Ia melibatkan pelbagai kerjasama dan juga inisiatif bersama masyarakat, menyokong pembangunan budaya, pendidikan serta kedudukan sosio-ekonomi. Ini termasuk aktiviti kesukarelawanan, tajaan serta sumbangan zakat,” jelas Ketua Pegawai Eksekutif Kumpulan MSM, Dato’ Khairil Anuar Aziz dalam majlis penyerahan yang diadakan di Sekolah Rendah Kebangsaan Bukit Keteri.

Majlis penyerahan sumbangan tersebut telah dirasmikan oleh Raja Muda Perlis, Duli Yang Teramat Mulia Tuanku Syed Faizuddin Putra Ibni Tuanku Syed Sirajuddin Jamalullail. Turut hadir, Raja Puan Muda Perlis, Duli Yang Teramat Mulia Tuanku Hajjah Lailatul Shahreen Akashah Khalil, Pengarah Pendidikan Negeri Perlis, Tuan Haji Izmi bin Ismail serta Guru Besar Sekolah Kebangsaan Bukit Keteri, Encik Mohd Nasir bin Mohd Noor.

DYTM Raja Muda Perlis berkesempatan mencemar duli membuat lawatan di sekitar kawasan pemasangan mesin penyejuk air dan juga ke kelas pendidikan khas sekolah.

Selama lebih 50 tahun beroperasi, MSM Perlis telah menyumbang kepada pembangunan sosio-ekonomi komuniti setempat. Ini termasuk menyediakan lebih 500 peluang pekerjaan, inisiatif institusi pendidikan melibatkan lebih 1,000 pelajar dan guru melalui program sekolah angkat dan juga sokongan perniagaan bagi syarikat-syarikat tempatan.



Maklumat MSM Malaysia Holdings Berhad (MSM)

MSM Malaysia Holdings Berhad (MSM) adalah pengeluar gula bertapis terkemuka di Malaysia yang terlibat dalam pengeluaran, pemasaran dan penjualan produk gula bertapis di bawah jenama. Syarikat ini menjalankan perniagaan terutamanya melalui tiga anak syarikatnya, MSM Prai Berhad, MSM Perlis Sdn Bhd dan MSM Sugar Refinery (Johor) Sdn Bhd. Di samping itu, MSM juga mengendalikan syarikat logistik - MSM Logistics Sdn Bhd dan sebuah syarikat dagangan - MSM Trading International DMCC, yang berpangkalan di Dubai, Emiriah Arab Bersatu.

Pada masa ini, kapasiti pengeluaran tahunan MSM mencecah 2.25 juta tan gula bertapis. Pada tahun 2018, MSM mengeluarkan sebanyak 964,739 tan gula bertapis, di mana 109,613 tan adalah untuk pasaran eksport. Ketika ini, MSM menguasai 59% majoriti syer pasaran domestik. Ditubuhkan pada 10 Mac 2011, MSM disenaraikan di Pasaran Utama Bursa Malaysia Securities Berhad pada 28 Jun 2011 dengan modal pasaran sebanyak RM 1.83 bilion setakat 31 Disember 2018). MSM menggabungkan kejayaan ekonomi bersama perlindungan alam sekitar dan tanggungjawab sosial untuk masa depan yang mampan.

MSM juga menawarkan pelbagai rangkaian produk daripada gula bertapis putih pelbagai saiz sehinggalah ke gula perang halus. Kesemua produk ini telah dipasarkan dan dijual di dalam pelbagai bentuk pilihan pembungkusan di bawah jenama "Gula Prai". MSM juga turut menjual 'molasses' sejenis produk sampingan yang dihasilkan menerusi proses penapisan gula hingga ke produk penyulingan dan penghasilan etanol, makanan haiwan dan yis di kalangan lain-lain produknya.

MSM menjual ke seluruh rangkaian pengguna di Malaysia dan juga negara-negara lain secara langsung dan tidak langsung menerusi pedagang, pemborong dan pengedarnya. Para pelanggan termasuklah syarikat-syarikat besar yang terlibat di dalam industri makanan dan minuman, farmaseutikal, perhotelan, restoran, rangkaian kedai-kedai makanan serta pengguna isirumah.

Untuk maklumat lanjut, sila layari www.msmsugar.com

Pernyataan Berpandangan Ke Hadapan

Beberapa pernyataan dalam laporan ini mengenai operasi MSM adalah berbentuk pernyataan yang berpandangan ke hadapan. Pernyataan ini boleh dikenal pasti dengan kata-kata kunci seperti "percaya", "menganggarkan", "mengharapkan", "menjangka", "berhasrat", "mungkin", "akan", "merancang", "prospek" dan perkataan lain yang mempunyai maksud yang berkaitan dengan perbincangan mengenai prestasi operasi atau kewangan masa hadapan. Pernyataan ini berkaitan dengan rancangan, objektif, matlamat, strategi, operasi dan prestasi masa hadapan MSM. Keputusan dan hasil sebenarnya mungkin berbeza daripada yang diunjurkan dalam mana-mana pernyataan yang berpandangan ke hadapan disebabkan oleh pelbagai peristiwa, risiko, ketidakpastian dan faktor lain yang terlibat. Kami tidak berhasrat atau tidak menanggung apa-apa obligasi untuk mengemas kini atau meminda mana-mana pernyataan yang berpandangan ke hadapan, sama ada disebabkan oleh maklumat baharu, peristiwa masa hadapan atau sebaliknya.

Untuk pertanyaan media, sila hubungi:

Siti Noorbaya Mohd Yunus
+603 2181 5018 ext. 137
+6016 677 6118
noorbaya.my@msmsugar.com

Ahmad Izwan Osman
+603 2181 5018 ext. 154
+6017 440 1027
ahmadizwan.o@msmsugar.com